

– Առաջ եւս պարապում էր գիտութեամբ, – պատասխանեց Ասլանը: –
Եւ լաւ բնագետ է եւ մաթեմատիկոս: Բայց յետոյ թողեց գիտութիւնը:

– Ինչո՞ւ թողեց:

– Նրա կարծիքով, մենք, հայերս, այնքան փոքր թոով պատրաստի մարդիկ ունենք, որ մենք պետք է խնայենք մեր ուժերը աւելի կարելուր պահանջների համար: Եւրոպայում հազարաւոր մարդիկ զբաղուած են գիտութիւնով, նոր հետազոտութիւններ են անում, նոր գիտեր են անում, եւ իւրաքանչիւր տարի գիտութիւնը հարստանում է բազմաթիւ նոր հրատարակութիւններով: Մենք կարող ենք նրանց պատրաստած գրքերը թարգմանել կամ փոխադրել մեր լեզուով: Գիտութիւնը ամէն ազգի համար նոյնն է մնում: Բայց կայ մի բան, որ Եւրոպան չէ կարող մեզ տալ, որը մենք ինքներս պետք է ստեղծենք:

– Ի՞նչ բան է այդ, – հարցրի ես հետաքրքրութեամբ:

– Ազգային բանաստեղծութիւնը, որ ամէն ազգ ինքը պետք է ստեղծէ, – պատասխանեց նա, խմելով իր բաժակի մնացած մասը: – Համրը թողեց գիտութիւնը եւ սկսեց բանաստեղծութեամբ պարապել: Նա բնական տաղանդ ուներ եւ թեթեւ, սահուն լեզու: Գրում էր ոտանաւորներ, գրում էր զանազան պատկերներ, գրում էր եւ վեպեր: Նրա աշխատութիւններից մի քանիսը տպոէցան, եւ կարդացում էին մեծ ախորժանոք: Բայց շատերը անտիպ մնացին եւ գրաւոէցան նրա կալանաւորոէլու միջոցին:

– Ոչնչացրի՞ն

– Ո՞վ է իմանում: Բայց մենք զրկոէցանք մի բանաստեղծ-վիպասանի ամենագեղեցիկ վաստակներից: Դա առաջինն էր մեր մէջ, որ թողեց երեւակայական աշխարհը եւ իր բանաստեղծութիւններին նիւթ ընտրեց իրական կեանքը եւ նրա պետքերը: Դա առաջինն էր մեր մէջ, որ իր վեպերի մէջ սկսեց նկարագրել ճշշոած, հարստահարոած մարդու թշուառութիւնները: Դա առաջինն էր մեր մէջ, որ մի կողմ ձգեց վարձկան-բանաստեղծի շողոքորթող բուրվառը, որ դարերով ինկարկում էր մեծատունին եւ հզօրին, եւ սկսեց երգել շինականի աղքատ խրճթի տառապանքները:

Ես կրկին ածեցի նրա բաժակը: Նա շարունակեց.

– Ես մասամբ արդարացում եմ Համրի կարծիքը բանաստեղծութեան մասին, թէեւ նա միակողմանի է: Իրաւ է, բանաստեղծութիւնը եւ առհասարակ բոլոր գեղարոէստական գրոածքները՝ ազգի թէ՛ ոգէւորողը եւ թէ՛ ղէկավարողը պետք է լինեն: Գիտութիւնը չոր ու ցամաք սնունդ է տալիս մարդկանց մտքերին, բայց բանաստեղծութիւնը կենդանացուցիչ սնունդ է